

Қазақстан Республикасы Парламенті Мәжілісінің
«Жерді мелиорациялау проблемалары және оларды шешу жолдары»
тақырыбында 2013 жылғы 4 қарашада өткен Үкімет сағатының
қорытындылары бойынша
ҰСЫНЫСТАРЫ

Қазақстан Республикасының Ауыл шарушылығы министрі А.С. Мамытбековтің суармалы жерлердің мелиорациялық жай-күйін жақсарту мәселесі жөніндегі баяндамасын тыңдап әрі талқылай келіп, пайдаланылмай жатқан жерлерді айналымға тарту, суармалы жерлерді және суды тиімді әрі ұтымды пайдалану, елдің стратегиялық дамуы мен оның азық-түлік қауіпсіздігінің ауқымды міндеттерін жүзеге асыру мақсатында Қазақстан Республикасы Парламентінің Мәжілісі мыналарды **ҰСЫНАДЫ:**

Қазақстан Республикасының Үкіметі:

- Мемлекет басшысы азық-түлік қауіпсіздігін және ауыл шаруашылығы өндірісінің өркендеуін қамтамасыз ету жөніндегі алға қойған міндеттерді жер және су ресурстарын тиімді пайдалану есебінен орындау жөнінде шаралар қабылдасын;

- Қазақстан Республикасының Президенті – Елбасы Н.Ә. Назарбаевтың «Қазақстан-2050» Стратегиясы - қалыптасқан мемлекеттің жаңа саяси бағыты» атты Қазақстан халқына Жолдауын жүзеге асыру мақсатында суландыру жүйелерін және су көздерін қалпына келтіру, ауыл шаруашылығы жерлерін, оның ішінде тұздануға ұшыраған жерлерді мелиорациялауды дамыту бойынша шаралар қарастырылған су ресурстары жөніндегі ұзақ мерзімді бағдарламаны әзірлеуді және қабылдауды жеделдетсін;

- суармалы жерлерді су ресурстарымен қамтамасыз ету үшін трансшекаралық су объектілерін пайдалану мәселелерін реттеу жөніндегі жұмысты жандандырсын;

- су ресурстарының тиімді әрі ұтымды пайдаланылуын экономикалық тұрғыдан ынталандыру мақсатында су беру қызметін көрсеткені үшін тариф белгілеу мәселесін қарастырсын;

- ауыл шаруашылығы мақсатындағы жерлер мен су ресурстарын ұтымды пайдалану, топырақтың құнарлылығын арттыру, жер ресурстарын басқа да табиғат қорғау іс-шараларымен бірге кешенді түрде қорғау бойынша өңірлік бағдарламалар әзірлеуді қамтамасыз етсін;

- ауыл шаруашылығы мақсатындағы жерлерді есепке алу, оларды пайдалану және топырақтың құнарлылығын сақтау жөнінде ұсыныстар әзірлеу мақсатында осындай жерлерді түгендеу бойынша жұмысты жандандырсын;

- жердің сандық және сапалық жай-күйін уақтылы анықтау мақсатында топырақты бағалауды, ауыл шаруашылығы мақсатындағы жерлерге агротехникалық, топырақтық, геоботаникалық іздестірулер мен зерттеулерді нормативте белгіленген мерзімдерде жүргізуді қамтамасыз етсін;

- жерді аймақтарға бөлуді қоса алғанда, озық технологиялардың жетістіктерін пайдалана отырып, жердің жай-күйінің өзгеруін уақтылы анықтау мақсатында жер мониторингі бойынша жүйелі түрде шаралар қабылдасын;

- суармалы жерлердің жай-күйі туралы деректердің дәйектілігін қамтамасыз ету үшін мелиоративтік кадастрдың деректеріне өзекті сипат беретін болсын;

- суармалы жерлерді ұтымды пайдалану мақсатында ирригациялық, коллекторлық-дренаждық желілерді, гидротехникалық құрылыстарды кешенді түрде реконструкциялау, қалпына келтіру, жаңғырту жөнінде шаралар қабылдасын;

- жер асты, қайтымды, аз минералданған дренаждық және сарқынды суларды егістіктер мен жайылымдарды суландыру үшін пайдалану жөніндегі ұйымдастырушылық-техникалық іс-шараларды қамтамасыз етсін;

- ауыл шаруашылығы тауарын өндірушілердің топырақтың үстіңгі қабатын суландырған кезде жаңбырлатқыш техниканы, тамшылатып суару жүйелерін, шағын механикалық құралдарды қолдануын ынталандыруға жағдай жасасын;

- суландырудың ылғал-ресурс үнемдейтін технологияларын және ауыл шаруашылығы дақылдарының ғылыми тұрғыдан негізделген ауыспалы егістерін жаппай енгізуді қамтамасыз етсін;

- жер және су ресурстарын пайдалану бойынша озық технологияларды енгізу мақсатында суармалы егіншілік мәселелерімен айналысатын ғылыми-зерттеу институттарының рөлін арттырсын;

- мелиорация саласындағы мамандарды сапалы даярлауды және қайта даярлауды, олардың біліктілігін арттыруды қамтамасыз ету жөнінде шаралар қабылдасын.